

不嗜賢也病非無嘉饌病不能食至於死國非無賢人君不能用故速亡理世不得其賢猶治病不得真藥治病當得真人參反得蘿服之增劇非藥無効也先世欲赦先遣馬分行市里聽爭路隅咸云當赦是謂天赦遂

乃施行○孝明帝嘗問曰今且何故無上書者左右曰為反支日也帝曰民庶遠來詣闕不可奪其日使受章者無避反支此明王謂民愛日也聖王之政普覆兼愛不私近密不忽疎遠吉凶禍福與民同之排簾障風探沙擁河無益於事徒自弊耳猶不命大將掃除醜虜而州縣興兵不息也○扁鵲治病審閉結而通鬱滯虛者補之實者瀉之猶邊境犬羊不可久荒以開敵心○一宅同姓相代或吉或凶一官同姓相代或遷或免成康居之而與幽厲居之而衰吉凶與衰在人不由宅矣師曠曰赤色不壽姓大者易滅姓或有因官因號因居因地者司馬司徒中行下軍因官也東門西都南宮北郭因居也三鳥五鹿青牛白馬因地也○季勝造父以善御事周

穆王穆王遊西海忘歸徐偃作亂造父王御者日行千里以征之王封造父於趙因以得氏昆弟世疎朋友世親此人情也富貴人爭附之貧賤人爭去之富貴交者上有稱舉之用下有貨財之益與貧賤交者大有賤貸之費小有假借之損○夫官人有距之惡結駟過士以謂榮况實有益乎處子有頽閣之賢被禍造門人以謂辱况實有損乎故富貴易為容貧賤難得適好服謂之舍借惡衣謂之困阨徐行謂之飢餒疾行謂之逃責不候謂

之倨傲數來謂之求食空造以謂無意奉贄以謂欲貸恭謙以謂不肖抗陽以謂不德此處子貧賤之苦酷也凡今之人言方行圓口正心邪君上治世先其本後其末慎其心治其行則姦慝不生古訓著三皇五帝多以伏羲神農二皇其一或云燧人或云女媧我又聞古有天皇地皇人皇未可知也

意林卷之四

扶風馬總元會編

風俗通三十一卷 應劭

序云風者天氣有寒煖地形有險易水泉有美惡草木有剛柔俗者舍血之類象之而生百里不同風十里不同俗周秦常以八月遣輜軒使者採異代芳言藏之祕府及嬴氏之亡遺棄殆盡蜀人嚴君平有十餘言林閭翁孺才者有梗槩與揚雄注云續二十七年凡九千字○張球云懸諸日月不刊之書余雖不才敢比隆於斯人神農者神信也農濃也其德濃厚若神五帝黃帝顓頊帝堯舜也黃光也顓尊也項信也學考也堯高也舜推也修也言推德行修堯之緒三王禮號謚云夏禹殷湯周武王禹輔也湯昌也王往也言天下所歸往五伯春秋云齊桓晉文秦繆宋襄楚莊伯者白也長也言其咸建五長功實明白霸者把也而其把持天下之政○按秦昭王太后始臨朝也收守長不且數易按尚書有考績孔子曰如有用我者期月而已三

年有成鄭子產從政三年民乃歌之賢聖高須漸進況中才乎數易豈不紛錯道路也○古制本無奴婢奴婢皆是犯事者奴者劣婢者卑陋○里語云取官漫漫怨死者半昔在清平之世使明恕君子哀矜折獄尚有怨言

況在今時耶應劭三國時人此當時語○光武車駕從都

洛陽載素簡紙經凡二千兩董卓盡覆王室天子西移中外倉卒所載書七十車於道遇雨分半投棄卓又燒燭觀閣經籍盡作灰燼所有餘者或作囊帳先王之道幾烟滅矣○

俗說有功得賜金者皆黃金也按孫子兵書日費千金千金百萬錢也陳平諫楚千金贈

二踈金五十斤並黃金也或云一金亦是一萬錢也○不養併生三子俗說似六畜妨父母按春秋國語越王時民生二子與之餘生

三子與之乳母疑四遂滅強吳何害之有○不舉

父同月子俗云妨父按左傳魯桓公與父同月因名子同生○漢明帝亦與光武同月生不宜歸生俗云令人衰按人婦好以女易他男故不許歸○封泰山俗說岱宗上有金

篋玉策能知人年壽脩短武帝探得十八因倒讀之曰八十按岱宗封者立石高一丈二尺刻之曰事天以禮立身以義事父以孝成名以仁四方之內莫不師服刻石紀號著功績也其時武帝已年三十七因何更得十八

若言倒讀神無福矣余承之東嶽忝素六載數經祈祀咨問長老更上泰山者云無金篋

玉牒探壽之事○東方朔是太白精黃帝時作風后堯時作務成子後又生於越在越作范蠡在齊作鴟夷子言其變化無常也按朔滑稽之雄俗人因以怪語附之安得神耶○

彭城相表元服父伯楚作光祿卿於服中生子自謂年長不孝莫大於無後故收舉之君子不隱其過因以服作字按元服名賀母汝南人祖名京作侍中安帝時生元服百官來

賀垂老而孫兒生喜其嘉會因名作賀字元服父伯楚歷典三郡早喪妻不肯娶臨終勸子便留葬無取汝母喪柩若亡者有知往來不難若無知只為煩耳清高若此豈有服中生子而名作賀汝南王叔漢父子方出遊二

十餘年不還叔漢作尚書郎有人告子方死於汝南即遣兄伯三往迎喪叔漢即發哀詔書賻錢二十萬既而子方從蒼梧還叔漢詣闕乞納賻錢受虛妄罪靈帝詔將相大夫會議之博士任敏議云凡人中壽七十視父同

儕亡可製服也子方在遠人指其處不可驗也罪不可加馬詔書還錢復本官○汝南張

妙會社士士家娶婦酒後相戲張妙縛社士捶二十又懸足指士遂致死鮑昱決事云酒後相戲原其本心無賊害之意宜減死也○

汝南周翁仲婦產一女會屠者妻產一男翁仲妻密以錢易屠者之男後翁仲作北海相使見鬼主簿周光與兒同祭先塋主簿回謂翁仲曰祭所但見屠兒弊衣縷縷持刀割肉別有人帶青綬仿倂東廂不進何也翁仲乃

持劍問妻妻具陳其事翁仲曰凡有子者欲承先祖先祖不享何用遂以車馬送還屠家乃迎其女文已嫁賣餅人取歸適安平李文思文思官至南陽太守神不歆非類明矣宣得養他人子乎○陳留有富翁年九十無男

娶田舍女一宿身死後產一男至長女口我
父娶一宿身亡此子非父之子遂爭財數年
不決丞相郡吉決云老翁兒無影不耐寒其
時八月中取同歲小兒俱解衣試之老翁兒
獨呼寒日中行果然無影遂以財與之穎川
有兄弟同居兩婦俱懷妊長婦數月胎傷不
言知產期至俱卧產房候弟婦產得一男夜
盜之因爭三年不決丞相黃霸殿前令以兒
去兩母各十步叱兩婦令爭取之長婦把持
甚急兒大啼弟婦恐傷放之長婦色喜弟婦
愴然霸曰此弟婦子也即劾長婦果然伏罪
○臨淮有一人持一足縑到市賣之遇雨披
之後有一人求庇陰一頭之地雨霽共爭之
丞相薛宣決曰縑直數百何用紛紛遂中斷
各與半縑察之縑主稱冤不已後人有喜色
宣知其情考而伏之○周公樂曰勺勺者斟
酌先祖之道武王樂曰武功定天下也舜樂
曰韶韶者紹紹堯也堯樂曰大章章者彰也
帝樂曰五英英者華也劉向云商章也物
成就可章度也角觸也物觸地載芒角而生

也宮者中也徵者社也物盛大而繁社羽者
宇也物聚藏宇覆之聞官聲使人溫潤而廣
大聞商聲使人方正而好義聞角聲使人齊
整而好禮聞徵聲使人隱惻而博愛聞羽聲
使人善養而好聞琵琶近世樂家所作不知
誰也以手琵琶因以得名長三尺五寸法天
地人與五行也四絃象四時○易云利見大
人大人與聖人其義一也○論語云君子上
達臧孫紇曰後有達者將在孔丘乎儒者區
也別古今賢愚章家時以賈逵曰通儒時人
語曰問事不休賈長頭禮云羣居五人長者
必異席今呼權貴作長者非也○管子云先
生施教弟子則之非知古之道是師者之稱
諸生弟子學者非一故曰諸先生者當如醒
學者譬如醉言生俱醉獨有醒者祭酒禮云
飲酒必祭尊其先也孫卿在齊最是師老故
三稱祭酒士詩云殷士膚敏髦士俊秀雅士
博達列士有不易之分處士隱居放言易云
師貞丈人吉非徒尊老須德行先人也傳云
杖德莫如信者其恩德可信杖也○禮云十

尺曰丈成人之長也夫者膚也言其智膚敏
弘教也故曰丈夫○論語云匹夫匹婦傳云
一晝一夜成一男一女成一室按古人
男女作衣用二疋今人單衣故言疋夫人當
龍變起不繫鄉里若止繫風俗見善不徙故
謂之俗人○禮言簡不肖按生子鄙陋不似
父母曰不肖今人謙辭亦曰不肖○方曰人
不事事而放蕩謂之無賴不可恃賴也猶高
祖謂太上皇云大人以臣無賴也○司徒中
山祝恬字伯休公車徵在道得溫疾過友人
謝著著拒不受至汲郡止客舍舍六七日諸
生見恬轉劇欲告汲令恬曰友人尚不相容
汲令不相識告之何益死生命也不須醫藥
諸生潛告汲令令即汝南應融聞之大驚至
疾所泣曰伯休不世英才當作國家幹輔何
乃默止客舍不遣人知融遂躬御而歸親自
侍疾疾漸損融謂伯休曰吉凶不諱憂怖交
心已備凶具對之悲喜伯休停傳舍數十日
遂去拜侍中尚書令又拜司隸薦融自代歷
典五郡謝著不謂公府所取○上古之時草

居霜宿冬則山南夏則山北○彭城孝廉張子矯議云若君臣不得相襲作名周穆王諱滿至定王時有王孫滿○厲王諱胡莊王之子名胡○俗云五月到官至免不遷今年有茂才除蕭令五月到官破日日入舍視事五月四府所表遷武陵令余為營陵令正觸太歲主簿令余東北上余不從在事五月遷太山守○楚辭云風伯飛廉也按周禮祀風師箕星也主簸揚能致風氣戊戌之神作風伯故丙戌日記於西北○按周禮雨師畢星也

土中之衆莫若水故雨稱師丑之神作雨師故己丑日記之○桓帝元嘉中京婦女作愁眉啼粧墜馬髻折腰步齟齬笑愁眉者細而折啼粧者薄拭眼下似啼痕墜馬髻側在一邊折腰步足不在體齟齬笑若齒痛此事並出梁冀傳曰趙王好大眉人間皆半額楚王好廣領國人皆沒項齊王好細腰後宮有餓死者京師有胡服胡帳胡林胡筵胡笛胡舞按董卓時兵填塞是也○靈帝宮中遊西園駕四白駝躬自操轡公卿倣效價與馬齊

○桓帝世謠言直如絃死道邊曲如鈎反封侯梁冀欲樹幼主李固欲立清河王梁冀遂奏李固死于獄中曝屍路邊如鈎梁冀如絃李固千里草何青青十日卜不得一日生此董卓字也青青暴盛之貌秦漢以來尊者號作宮室已前貴賤無別○按世本鮫作城郭城盛也郭大也○按天子有外屏令臣下屏氣息○苑苑蘊也薪蒸之所蘊積○孫子云金城湯池而無粟者太公墨翟不能守之郡者羣也左傳云上大夫受縣下大夫受郡至始皇方以郡監縣縣平也○傳舍按使者傳言乃得舍於傳也○南北曰阡東西曰陌○按易傳上古有恙由善與人作患故人平居曰无恙

○城門失火禍及池魚俗說池與魚人姓字居近城門也按城門失火取水故魚皆死○獄自三王制肉刑始有獄夏曰下臺周曰囹圄今人思讐改惡獄字二犬守言無情狀犬亦得之囚罪人置諸圓土故囚字從口中人罪字本從自辛苦憂之秦皇謂皇字似皇故改作罪○會稽多淫祀家貧不得牛祀者

死作牛鳴太守第五倫嚴科絕之○桂陽太守李叔堅少時作州從事家有狗作人立叔堅曰此狗喻人行何害叔堅作縣令解冠擗上狗戴之而走叔堅曰此狗誤觸冠纓冠纓挂其耳矣犬復與人竈前畜火隣里告之叔堅曰狗能畜火幸不項人犬遂暴死叔堅至大位

商君書四卷

夫有高人之行見非於世有獨知之明見怨於人螟蟥春生秋死一出而民數年乏食今一人耕百人食有甚於螟蟥矣○農者少而遊食遊食者衆則農怠農怠則治荒以強去弱者弱以弱去強者強○上世之士衣不暖膚食不滿腹苦其心意勞其四支○古者民叢生而羣處亂立君○蠹衆則木折隙大則墻壞不勝而生不敗而亡自古及今未嘗有也○使見戰如餓狼之見肉則可用矣○聖人制民也如高下制水如燥濕制火

阮子四卷

漁人張網於淵以制吞舟之魚明主張法於

天下以制強梁之人立法以隄民百姓不能
干立防以隄水江河不能犯防而可犯則江
河成灾法而可干則百姓成害○不樹者死
無棺不蠶者身無帛不績者凶無緩君子暇
豫則思義小人暇豫則思邪○高鳥相木而
集智士擇土而翔○一盜不誅害在穿窬修
警不誅害在詞主

正部十卷

凡人矇矇冥冥學以啓志行以處身進於道
則成君子非於禮則曰小人君子之舉履德
而榮光小人之動陷惡而傷刑○皎皎練練
得藍則青得丹則赤得藥則黃得涅則黑○
玉不琢則南山之圓石○穿窬之徒不遠服
領奔北之士不憚斧鉞○漢家窮天涯究地
沂左湯谷右虞淵前炎楚後塞門祁連以北
黃山以南碣石以東合黎以西莫不襁負來
貢○仲尼叙書上謂天談下謂民語兼該男
女究其表裏○淮南浮偽而多悞太玄幽虛
而少效法言雜錯而無主新書繁文而解用
○玉符云赤如鷄冠黃如蒸栗白如脂肪黑

如溥漆此玉之符也言成雅訓辭作典謨此
人之符也○山神曰螭物精曰魁土精曰瓚
羊水精曰罔象木精曰畢方火精曰遊光金
精曰清明天下有道則眾精潛藏○天以仙
人日子衆人曰芻狗愛其子私其壽賤芻狗

聽其天若不學譬如無目而視無脛而走無
翅而飛無口而語不可得也○桀紂雖有天
子之位而無一人之譽猶朽株枯樹逢風則
仆○明刑審法憐民患下生者不怨死者不
恨諺曰政如水霜霜消亡威加雷霆寇賊
不生

士緯十卷

姚信

孔文舉金性太多木性不足背陰向陽雄倬
孤立絲俱生於蠶銅等出於石作繒則賤作
錦則貴鑄鈴則小鑄鐘則大○經漸車之水
歷繞輪之沙趾跡高下不可論凡水溫則成
湯寒則成冰冰湯異氣而水性猶同蓋能投
練匪湯不綿人性推移蓋此比也琴瑟張而
鄭衛作五色成而綺殺生○孟軻驅世事於
仁義之域行者步中正之塗若使南海無採

珠之氏崑山無破玉之工則明珠不御於椒
室美玉不佩於桂宮

通語八卷

輪者車之跡楫者舟之羽身之須道如此二
物毀彼者雷同而鳴噪稱此者火燎而波駭
或問陳蕃忠乎答云單車作討賊之斧直階
非亂世之資知其忠不如其智也才貴精學
貴講質勝文石建文勝質蔡邕文質彬彬徐
幹庶幾也

抱朴子四十卷

外篇二十卷內篇二
十卷葛洪字稚川

清醪芳醴亂性者也紅華素質伐命者也○
班狄不能削石作芒針歐冶不能鑄鉛錫作
干將漢中起居注云李少君欲去武帝夢與
同登嵩高山半道有使者乘龍持節從雲中
來云太一請少君帝曰少君將舍我去矣數
日而少君死久之發看唯衣冠在焉○以蟻
鼻之缺捐無價之溥鈞分寸之瑕棄盈尺之
夜光朱公所以鬱邑萍灼所以永歎猶人不
學仙也道術乃令變形易貌吞刀吐火坐在
立亡興雲起霧召致蛇蟲聚合魚鼈入淵不

溺蹴刃不傷○陳仲弓異聞記云同郡人張廣遭亂有女四歲不能行棄冢中以數月糧與之後三年乃還欲收葬之女猶坐冢中問其故女曰糧盡以後見冢角有一物申頸吞氣乃效之轉不復飢尋看乃大龜也將女還食食飲初小腹痛久乃習之湯師蜘蛛而結網金天據九鴈以正時唐堯見堯莢而知月○道能登虛躡影飲玉醴食翠芝○彭祖云天上多尊官新仙者位卑奉事非一也農夫得形弓以驅烏南城得衮衣以負薪猶世人得仙丹而不貴也○元君老君師也○世人唯競飛蒼走黃依榮逐利○上士得道成天官中士得道棲集崑崙下士得道長生世間○朱草莖如珊瑚刻之汁流如血以玉投汁中丸之如泥久即成水以金投之曰金漿以玉投之曰玉醴服之長生○石先生丹法取烏未生毛者以真丹和牛肉飴之長毛羽赤色歛陰乾服之壽五百歲○素顏紅膚或其目清商流微亂其聽此真理之德也○龍淵以靡謬常新斧斤以日用速弊○寸蛭泛濫

跡水之中則謂天下無四海之廣芒蜎宛轉果核之內則謂天下無八極之大漏脯救飢就酒止渴非不暫飽死亦及之○貴明珠而賤淵潭愛和璧而惡荆山不知淵潭是明珠所出荆山是和璧所生○方今士有待次之滯官無暫曠之職景風起則裘鱸息世道夷則奇士退○肉芝是萬歲蟾蜍頭上有丹書八字五月五日中午時取之以足畫地則水流帶之左手則辟兵○行山中見小兒乘車馬長七八寸者肉芝也服之得仙○千歲蝙蝠白如雪住則倒懸腦重故也○千歲燕窠門向北○雲英雲珠雲液雲母雲沙服之用玉水○成帝獵於終南山見一人無衣身生黑毛合圍取之絕坑踰岸有如飛鳥及得是婦人自云秦時宮人關東賊至秦王出降驚走入山垂當飢死有老翁令食松實遂不復飢乃是秦王子嬰宮人至成帝二百許歲人將還以穀食之毛稍脫落轉老而死○欲長生服山精山精朮也○陵陽子仲服遠志二十年有子二，七人讀書不忘○得聖人是黃

老世聖是周孔二人○善圍碁者謂之碁聖故嚴子卿馬綏明有碁聖人之名○彭祖自譽佐堯歷夏至殷殷王遣宮女受房中之術有驗乃欲殺之以絕其法彭祖知之乃逃七十年有人見于流沙○欲得長生腹中清欲得不死腹無屎○里語云人在世間日失一日如牽牛羊詣屠所每進一步去死轉近○老君姓李名聃字伯陽長九尺黃色鳥喙隆鼻眉五寸住金樓玉堂○雞舌香黃連乳汁治目中百病○諺曰無肥仙人富道士雖能作金銀皆自貧諺曰書三寫魚成魯帝成虎亦如神符今用少驗白石似玉姦佞似賢鸞不掛網麟不墮穿○寸膠不能治黃河之濁尺水不能却蕭丘之熱穿舟以息漏猛爨以止沸不可得也○若使素士行耕以餬口夜薪火以修業則游夏不足多矣○大厦既燒取水於滄海洪潦凌空伐舟於長川則不及矣○臣猶手足履水執熱不得辭焉○高嚴將隕非細縷所綴龍門沸騰非搗壤所遏劔戟不長於縫緝可以剗割牛馬錐鑽不可刺

割牛馬而長於縫緝材有大小不可棄也六軍如林未必皆勇○仁者政之脂粉刑者世之鸞策當殺不殺大賊乃發○鑽端之火口水可滅鵝卵未乳指掌可糜及其乘衝颺燎巨野奮六翻凌朝霞雖智勇不能制也委轡策而乘奔馬於險途捨柁櫓而泛輕舟於江海豈不險哉金丹不能凌陽侯之波玉馬不任聘千里之跡○或輸自售之寶或賣要人之書或父兄貴顯望門而辟命或低頭屈膝積習而見收○語曰舉秀才不知書察孝廉父別居寒素清白濁如泥高第良將怯如蠅○諺曰古人欲達勤讀書經今世圖官免治生余謂朋友之交不宜浮雜面而不心楊雄所譏明鏡舉則傾冠見義和照則曲影覺同勃杜稷之臣不能答錢穀之數○識珎者必拾濯水之明珠賞氣者必將穢藪之芳蕙自非懸鑑誰能披泥抽淪玉澄川撥沈珠智大者盤桓以山峙器小者蓬飛而萍浮直繩枉木之所惜清公姦慝之所讎○文王之接呂望桑陰未移而知其可師矣玄德之見孔明畧

景未改而腹心以委矣貌望豐偉者不必賢形氣冠狎者不必愚○伯喈識絳音之器於烟燼之餘乎子別逆響之竹於未用之前威儀如龍虎盤族成規矩酒後體輕耳熱冠脫帶解遲重者蓬轉而波偃整肅者鹿勇而魚躍口訥者皆搖掌以譖聲不競者皆裨膳而高發以九折同蟻封以呂梁同牛跡禁之彌極不可向也君若畏酒如畏疾憎醉如憎大病則無荒沈之咎矣民有穴地而釀酒囊懷酒者法輕利重安能令絕乎管輅頓仰三斗而清辯綺祭揚雄酒不離口而太玄乃就慕惡者如宵蟲之赴明燭學惡者如輕埃之應颺風○有斧無柯無如之何○以傾倚屈申者妍媚以風格端嚴者田舍豈不惑也○窮巷諸生吟誦而向枯簡匍匐而守黃卷低眉屈膝趨事豪貴毛成翼長蟬脫泉壤自乃軒昂此碑碎之徒也○昔西施以心痛卧於道側蘭麝芬芳人皆美之隣女慕焉人皆憎之猶世人效戴叔鸞阮嗣宗也逢世所貴則蹇驢蒙龍駮之價○孤白不可以當暑龍艘不

可以乘陸○夫良將剛則法天可望而不可干柔則象淵可觀而不可入去如收電可見而不可追住如丘山可觀而不可動○春以長矛在前夏以大戟在前秋以弓弩在前冬以刀盾在前此行軍四時應天法也○太公云從孤擊虛萬人無餘一女子當百丈夫○風鳴葉者賊在十里鳴條者百里搖枝者四百里金器自鳴及焦器鳴者軍疲也氣如驚鹿敗軍氣也○雨露露衣裳者謂潤兵不露衣裳者謂溢軍軍兵太一玉帳之中不可攻也○兵地生蟹者宜速移○余嘗聞嵇生曰左太冲張茂先可謂通人乎君道答曰通人者聖人之次也其間無所復容余問班班云呂氏望雲而知高祖所在天豈獨闡呂氏之目而掩衆人之目耶闡官無情不得謂貞倡獨不飲不可謂廉○文王食子羹伴不知非甘也○董仲舒學見深而天才鈍以蜉蝣是神龍者非但不識神龍亦不識蜉蝣○王仲任撫班固背曰此兒必為天下知名○五嶺無冬殞之木南海晉安有九熟之稻○老君

玉策云松脂入地千年作茯苓茯苓千年作琥珀琥珀千年作石膽石膽千年作威喜○炙鼓使鳴絃絃令悲實使鼓速穿絃早絕磨刀殺馬立可驗也○蜂蜂窠作蠟水沫作浮石○落星烟謂吳時星落○汲冢書云黃帝

仙去其臣有夫徹者削木作黃帝之像帥諸侯奉之○食鵠胎令人能夜書○河伯華陰人以八月上庚日渡河溺死天帝署作河伯

○鵝鬼吳景帝有疾召巫覡帝試之乃殺鵝埋於苑中架小屋施牀帳以婦人履著其前

○巫云但見一白鵝不見婦人也帝乃重之○獼猴鬼余友人膠水叔嘗養一大獼猴以鐵鎖鎖之於牀間犬齧殺經百日許鬼見者云承塵上有獼猴被瘡流血○余從祖得道能分形座上一葛公與一談話又一葛公迎來送去○余見二陸之文百卷許似未盡也

方之他人若江漢與潢汙也嵇生云每讀二陸之文未嘗不廢卷而歎恐其卷盡也陸子十篇誠謂快書其辭富者雖精思不可損也其理約者雖鴻筆不可益也觀此二人豈徒

儒雅之士文章之人也○抱朴子曰秦時不覺無鼻之醜陽程憎無髮之人陸君深識文章放蕩不作虛誕之言非不能也陸君之文猶玄圃玉無非夜光却後數百年若有幹跡如二陸猶比肩也不謂疎矣○孔鄭之門耳

聽口受者皆已滅絕唯託竹素者可謂世寶○竊鞍仁義縷鎖禮樂○余友人玄伯先生以儒墨作城池以機神作干戈上世之人○水

結而不寒資稜絕而不飢○獼多則魚擾鷹眾則鳥亂○盈丈之尾必非咫尺之軀尋仞之牙必非膚寸之口稱衡常云孔融荀彧可與語餘人酒甕飯囊洪字稚川丹陽句容人其先葛天氏洪累遭大典籍盡乃負笈徒步借書抄寫賞薪買紙然火披覽所寫皆反覆有字人少能讀之性質容易冠纓垢弊或廣

衣大帶或促身脩袖或長裾曳地或短不蔽膝時人或稱抱朴之士因以著書名焉洪貧無僕童籬落不修常披榛出門排草入室洪性不干犯官長不煩擾親族○嵇君道作廣州刺史表洪參軍乃非所樂利得避身於南

地也○洪不圍碁樗蒲見人博奕了不觀之○洪年十五大作詩賦自謂可行於代至弱冠尋覽殊不稱意一時毀之

意林卷之四